



Sisimiuni najukkami ataatsimiititaliap ataatsimiinnera 25. maj 2022

Imaqarniliaq

Ataatsimiinnermi oqaluuserisassat:

1. Oqaluuserisassat akuersissutigineqarneri
2. Aningaasat atugassat 2023
3. Innuttaasunik ataatsimiisitsinermi siunnersuutit
 - A) Innasiortarfik v/Karl Berthelsen
 - B) Savituuni sammisaqartitsineq 21. juni v/Barse Svendsen
 - C) Timersomerup kajuminnarnerulersinniarnera v/Karl Jørgen Enoksen
 - D) Timersoqatigiiffiit ilisaritinnerat v/Augusta
 - E) Snefestilval 2023 v/Augusta
4. Ikortoq v/Jacob-Peter Enoksen
5. Kultur/nipilersoneq v/Naja Thorin
6. Tamalaat

Ataatsimiinnermi peqataasut:

- Rene Ingemann, Siulittaasoq
- Hans Johansen
- Mette B. Berthelsen
- Emil Jessen
- Naja Thorin

Peqataangitsut:

- Inga Olsen, Siulittaasup tullia, suliffimminut atatillugu angalavoq
- David-Peter Jeremiassen, napparsimavoq

1. Siulittaasoq tikilluaqqusivoq, oqaluuserisassallu akuersissutigineqarput.

2. Ukiumut 2023-mut aningaasat atugassat Kommunalbetyrelsemut siunnersuutigineqartut akuersissutigineqarnerat nalunaarutigineqartoq tusaatissatut tiguneqarpoq.

3. Innuttaasunik ataatsimiisitsinermi siunnersuutit tulleriiaarlugit oqaluuserineqarput.

a) Innasiortarfimmik pilersitsisoqarnissaanik siunnersuuteqartoqarpoq, tassani imminut tatiginerulernissaq anguniarneqarluni. Siunnersuuteqartoq attavigineqassaaq pioreersut innasiortarfiit minihalimiittup aammalu Taseraliup kangia-tungaaniittut atorluar-nissai siunnersuutigineqassasut aammalu siunnersuutip aningaasartaqannginnera pillugu itinerusumik qanorpiaq eqqarsaatersortoqarnerisooq paasisaqarfigerusunne-qarmat. (Mettep attavigissavaa)

b) Inuiattut ullorsiornermi Savituuni sammisaqartitsineq siusinnerusukkut ingerlanneqar-tareersoq ingerlateqqikkusunneqarpoq. Siunnersuut qinnuteqaatitalik akuersissutigi-

neqarpoq, siunnersuisoq/qinnuteqartoq taamatut ingerlatsinermik misilittagaqarmat soqutigineqarluartarmallu. Qinnuteqartoq attavigineqassaaq aningaasat sumut atorineqarnissaannut takussutissamik ersarissumik tunniussinissaanut siunnersorniarlugu. (Renep attavigissavaa)

- c) Timersornermik siuarsaanissamik siunnersuuteqartut marluk imminnut attuumassuteqarmata ataatsimoortillugit oqaluuserineqarput. Timersornermik meeqqanullu susasaqartitsinermik siunertaqarmata Najukkami ataatsimiititaliamit tapersorneqarput, taamaattorli siunnersuutigineqassaaq Kommunemi timersornermut siunnersortit attavigineqassasut, timersoqatigiiffinit suleqateqarneq qanimut suliarimmasuk. Aaqqissuussarlu piareersarluarneqarsinnaappat aningaasartaanut Najukkami ataatsimiititaliamut qinnuteqartoqarsinnaavoq. (Hansip attavigissavaa)
- e) Snefestivalimut tunngatillugu siunnersuut pillugu, ukiumi 2023-mut pilersaarutaamat utertitsivigineqassasoq aalajangiunneqarpoq, taamanikkornissaanut qinnuteqaat sukumiisumik aningaasartuutissartai suleqatissallu allaaseralugit nassiuteqqissagaa siunnersorneqassalluni. (Mettep attavigissavaa)

4. Immikkut qinnuteqaat "lkortoq", cykelierluni, arpalluni qajartorlunilu Kangerlussuarmiit Sisi miunut unammisitsinermik pilersinniarlugu aningaasanik tapiissutissanik qinnuteqaat, assigi-inngitsutigut eqqartorluarneqareerluni aalajangiunneqarpoq qinnuteqaat itigartinneqassasoq, tassani inunnut ataasiakkaanut (peqatigiiffiunatillu cvr-eqanngitsunut) tunniussinisaq ataatsimiititaliamit kissaatigineqanngimmat.

5. Siunnersuut Kulturimut nipilersornermullu tunngassuteqartoq, katersortarfimmi innuttaasunik "pikialaartitsineq" aappaagumut pisussatut takorluugaammat siunnersuutigineqarpoq ukiup nutaap aallartinnerani siunnersuutitut/qinnuteqaatitut sukumiinerusumillu pilersaarummik nassiuteqqissagaa taamatullu aamma peqatigiiffittut aaqqissuussaassappat tamanna erseqqissaqullugu.

6. Tamalaat

- a) Illoqarfimmi kusasaanissaq eqqarsaatigalugu illutoqqat nutaanngilisut asiujartortut pillugit apequteqaat, tullissaanut ersarissumik oqaluuserisassanngortinneqarnissaa kissaatigineqarpoq.

Nal. 18.00 ataatsimiinneq naammassineqarpoq.